

मारा सतगुरू किरपा कीनी रे मने जड़ी रे भजन वाली दिनी



मारा सतगुरू किरपा कीनी रे,
मने जड़ी रे भजन वाली दिनी,
सुतोड़ी सुरता जागी रेऐ,
वा जाग भजन मे लागी,
धनगुरू जी कीरपा कीनी रेऐए,
माने जड़ी रे भजन वाली दिनी।bd।

मु तो भुल रे भरम मे फीरतो रेऐए,
गुरू कीनो रे भजन सु ई भिड़तो,
मारा भाग रे पुर्बला जागा रेऐए,
चित रे शब्दो माय लागा हाआ,
मारा सतगुरू कीरपा कीनी रे,
मने जड़ी रे भजन वाली दिनी।bd।

मि तो गुरूजी री सेवना कीनी रे,
मने सिमरण कुची दिनी,
मारे खुल्या भरम रा ताला रेऐ,
हिरदा मे हुआ ऊजीयाला,
मारा सतगुरू कीरपा कीनी रे,
मने जड़ी रे भजन वाली दिनी।bd।

मि तो शरणो गुरू सा रो लीनो,
ऐऐ प्रेम रे प्यालो पिनो,
मारो राम रे भजन मे राजी रेऐ,
हरी रे राखेला तारी,
मारा सतगुरू कीरपा कीनी रे,
मने जड़ी रे भजन वाली दिनी।bd।

ऐ जगमग जल रही ज्योती रेऐए,
हाआ निरख लीया रे निज मोती,
ऐऐ आदु राम रा हेला रेऐए,
भर रीयो भजन रा थेला,
मारा सतगुरू कीरपा कीनी रे,
मने जड़ी रे भजन वाली दिनी।bd।

समस्त भजनों के लिरिक्स और विडियो बिना इन्टरनेट के भी अपने मोबाइल में देखने के लिए गूगल प्ले स्टोर या एप्पल एप्प स्टोर से 'भजन डायरी एप्प' जरूर इनस्टॉल करे। वेबसाइट - <https://www.bhajandiary.com>



मारा सतगुरू किरपा कीनी रे,
मने जड़ी रे भजन वाली दिनी,
सुतोड़ी सुरता जागी रेऐ,
वा जाग भजन मे लागी,
धनगुरू जी कीरपा कीनी रेऐए,
माने जड़ी रे भजन वाली दिनी।bd।

गायक – जेतपुरीजी महाराज नोहरा,
प्रेषक – देव पुरोहित नाथोणी जेरण।